

ՎՐԱՅ-ՀԱՅԿԱԿԱՆ ԸՆԴՎՁՈՒՄՆԵՐԸ  
ՔԱՔԱՐ-ՄՈՆՂՈՒԱԿԱՆ ԲՈՒՆԱՏԻՐՈՒԹՅԱՆ ԴԵՄ 1247—1249 թթ.

Հ. Ա. ՍՏԵՓԱՆՅԱՆ

Չինգիզ խանի երրորդ որդին՝ Ուգեդեյը (1229—1241 թթ.), 1229 թ. մոնղոլական ղուռուլթայի (ցեղային առաջնորդների խորհրդի) կողմից հռչակվելով մեծ խան՝ շարունակեց կենսագործել մոնղոլական ավագանու նվաճողական պլանները։ Այդ նպատակով կազմակերպվեց Չարմաղանի արշավանքը հորեղմի սուլթան Ջալալ էդ-Դինի դեմ։ Վերջինս գլխավոր խոչընդոտն էր վերահիշյալ պլանների իրագործման ճանապարհին։

1230—1231 թթ. ընթացքում Չարմաղանը հաջողությամբ կատարեց իր խնդիրը։ Եվ հենց այդ ժամանակներից էլ մոնղոլական բանակը մնաց Իրանում և Մուղանի բարեբեր դաշտավայրում։ Նշված տարածքում սկիզբ դրվեց մոնղոլական տիրապետությանը։

1235 թ. հերթական ղուռուլթայի որոշման համաձայն վերը նշված մոնղոլական բանակը, լրացուցիչ օգնական ուժեր ստանալով, սկսեց ողջ Անդրկովկասը նվաճելու ծրագրի իրականացումը։ Եվ 1236—1245 թթ. ընթացքում նախ Չարմաղանի և ապա Բաշու Նոյինի հրամանատարությամբ այդ բանակը նվաճեց ոչ միայն Անդրկովկասը, այլև Փոքր Ասիայի արևելյան շրջանները։ Հպատակեցված երկրներից ստեղծվեցին մոնղոլական կենտրոնական պետության կուսակալություններ։ Վրաստանը, Հայաստանը, Առանը, Շիրվանն ու Ատրպատականը կազմեցին մեկ կուսակալություն, որի կառավարիչն էր Չարմաղանը։ Այս կուսակալության ներսում էլ Վրաստանն ու Ջաբարյան Հայաստանի իշխանությունը կազմեցին վարչական մեկ ինքնուրույն միավոր, որը մոնղոլներն անվանեցին Գյուրջիստանի վիլայեթ։ Նրանում վրաց թագավորներն առաջնություն ունեին տեղական ավատատերերի հանդեպ։

Գուլուկ խանի (1246—1248 թթ.) իշխանության գլուխ անցնելու կապակցությամբ Մոնղոլիայի մայրաքաղաք Ղարադուրում էին հրավիրվել մոնղոլական ավագանու և նվաճված երկրների ղեկավար ներկայացուցիչները։ Դրանց թվում էին ինչպես վրացական գահի հավակնորդ երկու Դավիթները, այնպես էլ երկրի աթաբեկ ու ամիրսպասալար Ավագ Ջաբարյանը<sup>1</sup>։

Ահա այս ժամանակ էլ վախճանվեց Ռուսուդան թագուհին։ Երկիրը գրտնրվում էր անտերունչ վիճակում։ Օգտվելով դրանից, ինչպես նաև մոնղոլական զորքերի անդադրում արշավանքներից, որոնց անպայմանորեն մասնակ-

<sup>1</sup> Վրաց ժամանակագրություն. Թարգմանությունը հին վրացերենից, առաջաբանը և ծանոթագրությունները Պարույր Մուրադյանի. Երևան, 1974, էջ 80—81, Juva ni. 'Ala-ad-Din 'Ata-Malik. The history of the world conqueror. Translated from the text of Mirza Muhammad Qazvini by John Andrew Boyle. Vol. I, Manchester, 1958, p. 250. Վերահիշյալ երկու Դավիթներից մեկը Գեորգի լաշա (1213—1222 թթ.) թագավորի որդին էր, որը պատմության մեջ հայտնի է Ուլու (մոնղոլերեն՝ մեծ) Դավիթ (1246—1270 թթ.) անունով, իսկ մյուսը Գեորգի լաշայի քույր Ռուսուդան (1222—1245 թթ.) թագուհու որդին էր։ Վերջինս պատմությանը հայտնի է Դավիթ Նարին (մոնղոլերեն՝ կրտսեր) անունով։ Նրանք երկուսն էլ վրացական գահին հաստատվեցին Գուլուկ խանի կողմից։ Հնդ որում առաջնությունը վերապահվել էր Ուլու Դավիթին (տե՛ս Juva ni, I, p. 257, Կիրակոս Գանձավեցի. Պատմութիւն Հայոց. Երևան, 1961, էջ 316)։



մնացած իշխաններին: Քանի որ զորքն արդեն ցրված էր, վերջիններս չկարողացան դիմադրել, և մոնղոլները նրանց բոլորին կալանավորելով տարան Շիրակավան: Հարցաքննության ժամանակ տրված այն հարցին, թե ինչու են բոլոր իշխանները հավաքվել, ձերբակալվածները պատասխանեցին, թե հավաքը հարկերը կարգավորելու նպատակով էր: Բազմօրյա հարցաքննության ժամանակ իշխանները միշտ տալիս էին նույն պատասխանը<sup>8</sup>:

Նրբ. ապստամբության պայմանավորված ժամանակը մոտեցավ, Յոտնե Դադիանին զորքով գնաց Սամցխեի և Ղաղոյի միջև գտնվող Բկինսջվարի կոչվող վայրը: Տեղեկանալով ձերբակալված իշխաններին Անի քչելու մասին, Յոտնեն զորքը հտ ուղարկեց և երկու մարդկանց հետ գնաց այնտեղ: Տեղ հասնելով նա միացավ պատժի ենթարկված ավագներին: Մոնղոլ հրամանատարները կանչեցին Յոտնեին և հարցրին նրա վարքագծի պատճառների մասին: Նա էլ վկայեց, թե հարկերը հավաքելու գործը կարգավորելու համար էին հավաքվել: Ուստի, եթե մեռնելու է, ապա պետք է ինքն էլ մեռնի մյուսների հետ, և թե ապրելու է՝ ապրի մյուսների հետ, որովհետև ինքն էլ մասնակից է եղել խորհրդակցությանը: Ի վերջո, ըստ վրաց ժամանակագրի, հավատարմով իշխաններին՝ մոնղոլները նրանց աղատ արձակեցին<sup>9</sup>:

Սակայն հազիվ թե ձերբակալվածներին աղատելու հարցում Յոտնե Դադիանիի վարքագիծը այնպիսի էական նշանակություն ունենար, ինչպես ձեռնարկում է ցույց տալ վրաց ժամանակագիրը: Ավելի հավանական է, որ 1247 թ. Ղարաղորումից վերադարձած Ավագի միջնորդությամբ է, որ ազատվել են ըմբոստները: Այդ մասին քիչ հետո:

Ֆրանցիսկյան միաբանության անդամ Պլանո Կարպինին, որը 1245—1247 թթ. ընթացքում գնացել էր Մոնղոլիա և վերադարձել, իր հերթին վկայություն է թողել վրացիների<sup>10</sup> ապստամբական տրամադրությունների մասին<sup>11</sup>:

Իվ. Զավախիշվիլին ենթադրում է, որ Կոխտասթավիի անցքերը պետք է 1247 թ. եղած լինեն<sup>12</sup>, Վրաց հետազոտող Յու. Սիխարուլիձեն գտնում է, որ Կոխտասթավիի դեպքերը տեղի են ունեցել 1245 թ.<sup>13</sup>: Այդ կարծիքի հիմքն այն է, որ Կոխտասթավիի հավաքի մասին խոսելուց հետո վրաց ժամանակագիրը նշում է Հաշայի որդի Դավթին գտնելու և Ղարաղորում ուղարկելու մասին: Սակայն հալտնի փաստ է, որ սույն աղբյուրի մեջ ժամանակագրական կարգը խիստ խախտված է: Վրաստանի պատմության ուրվագծերում նշվում են 1246 կամ 1247 թ.<sup>14</sup>:

Ավելի հավանական է վերոհիշյալ անցքերը թվագրել 1247-ի ամռանով: Հոգուտ դրան են խոսում հետևյալ փաստերը: Նախ, մոնղոլական զորքերը ողջ 1245 թ. ընթացքում գտնվում էին արշավանքների մեջ<sup>15</sup>: Եվ հայտնի է, որ այդ

<sup>8</sup> Նույն տեղում:

<sup>9</sup> Նույն տեղում, էջ 94—95:

<sup>10</sup> Հասկանալի է, որ վրացիներ ասելով ճանապարհորդը նկատի է ունեցել նաև Զաքարյան շախմատների իշխանական դասն ու բնակչությունը:

<sup>11</sup> Д. И. Языков. Собрание путешествий к татарам и другим восточным народам. СПб., 1825, с. 191. Իվ. Զավախիշվիլու կարծիքով Պլանո Կարպինի վկայությունը վերաբերում է Կոխտասթավիի հավաքին: Անվանի գիտնականը միևնույն ժամանակ կարծում է, որ ֆրանցիսկյան միաբանը այդ մասին պետք է տեղեկացած լիներ Ղարաղորումում գտնվող վրացիներից կամ էլ մոնղոլ ղեկավարներից՝ դեպքերից քիչ հետո (տե՛ս օգ. Ջօզօնօ Մ.: 30 Լ. 0, III, 83. 138):

<sup>12</sup> օգ. Ջօզօնօ Մ. 30 Լ. 0, III, 83. 138.

<sup>13</sup> Ю. Си х а р у л и д з е. Борьба грузинского народа против татаро-монгольского владычества. Автореферат диссертации на соискание ученой степени доктора исторических наук. Тбилиси, 1969, с. 26.

<sup>14</sup> Նախորդող իստորիոս նախադրած, Ժ. III, տծ. 1979, 83. 555—556.

<sup>15</sup> Կիրակոս Դանձակեցի, էջ 292—293:

արշավանքներին անպայման մասնակցում էին վրաց-հայկական զորքերը: Այնպես որ 1245 թ. բացառվում է Զպետք է մոռանալ. բոլոր նույն վրացական աղբյուրի տեղեկության՝ Կոխտասթավիի հավաքին մասնակից է եղել ի թիվս մյուսների, նաև Զաքարյաններից Սարգիս Թմոզվեցին. որը նշվում է նաև որպես լաշայի որդուն Ղարաղորում ուղեկցող<sup>16</sup>, Եթե ընդունենք, թե Կոխտասթավիի հավաքը վերաբերում է 1245 թ., ապա առաջ է գալիս մի հակասություն է: 1245 թ. ամռան վերջերին, ի թիվս մյուսների, Գույուկ խանի գահ բարձրանալու կապակցությամբ<sup>17</sup> Ղարաղորումում գտնվում էին երկու Դավիթներ<sup>18</sup>, ինչպես նաև Սարգիս Թմոզվեցին: Այդ դեպքում վերջինս ինչպե՞ս կարող էր մասնակցել վերոհիշյալ հավաքին: Գալիս ենք այն համոզման. որ Սարգիս Թմոզվեցին Ղարաղորումից վերադառնալուց հետո միայն (որը կարող էր եղած լինել 1247 թ. սկզբին)<sup>19</sup> կարող էր մասնակցել Կոխտասթավիի հավաքին:

Ահա այս ժամանակ՝ 1247 թ. ամռան էր, որ Ավագ Զաքարյանը վերադարձավ Ղարաղորումից: Այս իրողության օգտին է խոսում դոմինիկյան միաբանության անդամ Ասցելինը, որը 1247 թ. մայիսի 24-ից մինչև հուլիսի 25-ը գտնվել է Բաշուի զորաբանակում<sup>20</sup> և վկայում է, որ Ավագ (Ավագ—Ն. Ս.) անունով մի մարդ էր գալու Մոնղոլիայից, որը նշանակվել էր Վրաստանի կառավարիչ և նրան անհամբերությամբ էին սպասում: Վերջապես նա գալիս է և Բաշուի կողմից լավ ընդունելության արժանանում<sup>21</sup>: Ամենայն հավանականությամբ ձերբակալված իշխանները հենց այս ժամանակ՝ 1247 թ. ամռանը, Ավագի միջնորդությամբ էլ ազատվել են: Ինչպես հետո կտեսնենք, նման մի միջնորդություն էլ եղել է 2 տարի անց՝ 1249 թ. վրաց-հայկական առաջին պատամարտությունից հետո:

Անդրկովկասում ստեղծված ծանր դրությունն առավել վատթարացավ 1247—1248 թթ. Մերձավոր Արևելքում, այդ թվում և Հայաստանում անցկացված հարկահանության կապակցությամբ<sup>22</sup>, Հարկային դաժան քաղաքականությունը թելադրված էր մոնղոլական լայնածավալ կայսրության պահպանման շահերով: Թե որքան ծանր էր մոնղոլների հարկահանությունը, վկայում են ժամանակի պատմիչները<sup>23</sup>:

Հարկահանության դեմ մեծ դժգոհություն է առաջանում նախնում: Բուդան մեծ զորքով շարժվում է այնտեղ, քարուքանդ անում տեղի կենտրոնական ամ-

<sup>16</sup> Վրաց ժամանակագրություն, էջ 96, 99:

<sup>17</sup> Այն տեղի է ունեցել 1246 թ. օգոստոսի վերջերին (տե՛ս Путешествия в восточные страны Плано Карпини и Рубрука. М., 1957, с. 76, 219):

<sup>18</sup> Рашид ад-Дин, II, с. 118—119.

<sup>19</sup> Ղարաղորումից մինչև Անդրկովկաս վերադառնալը որպես կանոն մի քանի ամիս էր տևում: Եթե նկատի առնենք, որ Սարգիս Թմոզվեցին ամենաշուտը Գույուկ խանի գահ բարձրանալուց հետո՝ 1246 թ. աշնանը կարող էր վերադառնալ, ապա 1247 թ. սկզբին նրա հայրենիք հասնելու ենթադրությունը հավանական է դառնում: Իսկ վրաց ժամանակագրի՝ Կոխտասթավիի վերոհիշյալ դեպքերը նկարագրելիս տեսանք, որ այն եղել է շոգ եղանակին՝ ամռանը, Հետևաբար 1246 թ. նույնպես բացառվում է:

<sup>20</sup> R. Grousset. L'Empire des steppes. Attila. Gengis khan. Tamerlan. Paris, 1960, p. 421.

<sup>21</sup> Voyages de frère Ascelin et ses compagnons vers les Tartares. St<sup>e</sup> P. Bergeron. Voyages faits principalement en Asie dans les XII, XIII, XIV et XV siècles. A la Haye, 1735, t. I, p. 78—79; Д. И. Языков. Указ. соч., с. 253—257; Վրաց ժամանակագրություն, էջ 100: Վրաց ժամանակագրի մոտ Ուլու (Հուլիս)՝ Ն. Ս.) անվանումը թյուրիմացություն է: Ավագը վախճանվել է 1250 թ.՝ մինչև Հուլիսի գալը: Նա ընդունվել է Լալու նույնի կողմից:

<sup>22</sup> Рашид ад-Дин, II, с. 120; Juvenal, III, p. 512.

<sup>23</sup> Կիրակոս Գանձակեցի, էջ 312—313: Գրիգոր պատմիչ, էջ 20:

բողքը՝ հոխանարերդը<sup>24</sup>։ Չնայած Կիրակոս Գանձակեցին այս ժանր միջադեպը փորձում է բացատրել հաշենի գահերեց իշխան Հասան-Ջալալի քրիստոնեական բարեպաշտության հանգամանքով, որն, իբր, չէին կարող հանդուրժել մահմեդական Բուղան ու նրա մոլեռանդ հարկահանները, մենք համոզված ենք, որ այս պատճառաբանությունը պակասավոր ու միակողմանի է, և որ մոնղոլ բռնավորներին հաշենում վայրագության պետք է մղած լինի տեղացիների ընդվզումը ժանր հարկահանության դեմ։ Ըմբոստները պատսպարվել էին անառիկ հոխանարերդում, որի դեմ մոնղոլ ասպատակիչները ոխ ունեին քեռես 1230-ական թթ., երբ մեծ դժվարությամբ կարողացան կոտորել նրա պաշտպանների դիմադրությունը։ Ուստի նրանք այժմ ստիպված էին հիմնահատակ խորտակել ոչ միայն հոխանարերդը, այլև Դեղր, Միրանաքարը և մյուս ամրոցները։ Իսկ Հասան-Ջալալը շատ ոսկի ու արծաթ տալով հազիվ փրկվեց մահից<sup>25</sup>։

1248-ին դրությունն այն աստիճանի էր սրվել, որ նույնիսկ Ավագ Ջաքարյանը դուրս եկավ հարկահան Բուղայի դեմ ռազմական զորքով<sup>26</sup>։ Վերջինս, տեսնելով իր դիմաց կանգնած մեծաքանակ զորքը, փորձեց մեղադրել Ավագին ապստամբության դրոշ բարձրացնելու մեջ, բայց մինչ աթաբեկի դեմ դավեր էր նյութում, հիվանդանում է ու մեռնում<sup>27</sup>։

1247—1248 թթ. դեպքերը նախերգանքն էին 1249 թ. ավելի բուռն իրադարձությունների։ Նշենք, որ 1248 թ. Ղարադորումից վերադարձել էին երկու Դավիթ թագավորներ<sup>28</sup>։ Եվ հենց նրանցից մեկը՝ Դավիթ Նարինը, գլխավորեց պայքարը թշնամու դեմ։

1249 թ. անցքերին անդրադառնալով Կիրակոս Գանձակեցին վկայում է, որ հանկարծակի «...խորհուրդ արարեալ ամենայն աւագանին թաթար զօրուն, վառեցան դինու և կաղմեցան առ հասարակ կոտորել զաշխարհս Հայոց և Վրաց՝ զհնադանդեալս իւրեանց, վասն այսպիսի պատճառի, թէ ապստամբել կամի թագաւորն Վրաց ամենայն իշխանօքն, և զօրաժողով են գալ կոտորել զնոսա, քանզի երեւէր իսկ, զի զօրաժողով եղեն ամենայն իշխանքն առ թագաւորն վրաց Դաւիթ ի Տփղիս»<sup>29</sup>։ Կիրակոս Գանձակեցին և Գրիգոր պատմիչը վկայում են, որ հավաքի ժամանակ իշխաններից ոմանք հաշվել են իրենց տրամադրության տակ եղած զորքը և եզրակացրել, որ այն բավական է մոնղոլներին հաղթելու համար<sup>30</sup>։ Սակայն ապստամբություն բարձրացնելուն դեմ էր Ավագ Ջաքարյանը<sup>31</sup>։

Ինչով բացատրել երկրի աթաբեկի ու ամիրսպասալարի՝ քաղաքական մեծ կշիռ ունեցող այդ իշխանի, նման դիրքորոշումն ապստամբության նկատմամբ այս ժամանակ։ Հավանաբար այստեղ կարևոր նշանակություն է ունեցել նախ Ավագ Ջաքարյանի գրաված կարևոր դիրքը մոնղոլների մոտ և ապա նրա համոզմունքը, որ ապստամբությունը հաղթական վախճանի չի հանգեցրել և անպայման տեղիք է տալու մոնղոլների կողմից նորանոր ասպատակությունների ու հալածանքների։

խորհրդակցության մասնակիցների միջև միասնություն չկար։ Դեռ ավելի, նրանց մեջ հայտնվեց մի դավաճան, որը մոնղոլներին տեղեկացրեց նախապատրաստվող ապստամբության մասին<sup>32</sup>։ Յու. Սիխարուլիձեն հավաստի

24 Կիրակոս Գանձակեցի, էջ 313։

25 Նույն տեղում։

26 Նույն տեղում, էջ 313—314։

27 Նույն տեղում, էջ 314։

28 Ժամանակագրություն Ստեփաննոսի Օրբելյանի. Երևան, 1942, էջ 28։ Վրաց ժամանակագրություն, էջ 100։

29 Կիրակոս Գանձակեցի, էջ 319։

30 Նույն տեղում։ Գրիգոր պատմիչ, էջ 20—21։

31 Կիրակոս Գանձակեցի, էջ 319—320։

32 Գրիգոր պատմիչ, էջ 20—21։

լի համարում պատմիչի այս վկայությունը և նշում է, թե դավադիրների ձախողումը ավելի արդարացի կերպով է բացատրում վարդան Բարձրբերդցին (Արեւիկեցին—Հ. Ս.)՝ այն կապելով մոնղոլական ռազմական իշխանությունների զգոնության հետ<sup>33</sup>։ Տեղեկանալով նախապատրաստվող ապստամբության մասին, մոնղոլները սկսեցին անհրաժեշտ միջոցներ ձեռնարկել այն խնդրելու համար։ Կիրակոս Գանձակեցու վկայության համաձայն, երբ իշխանական զորքերն արդեն հեռացել էին Տփղիսից, մոնղոլները ձերբակալեցին տեղում մնացած իշխաններին, իսկ մյուսներին հրամայեցին ներկայանալ իրենց<sup>34</sup>։ Սակայն շուտով ձերբակալված իշխաններին աղատ են արձակում և այդ գործում մեծ նշանակություն է ունենում մոնղոլ հրամանատարության հետ լավ փոխհարաբերությունների մեջ գտնվող Ավագ Ջաբարյանի միջնորդությունը։ Այս տեսակետից հետաքրքիր և արժանահավատ վկայություններ են պահպանել հայկական աղբյուրները։ Այսպես, Գրիգոր պատմիչը վկայում է, որ մինչ Ավագի գալը մյուս իշխաններն ու թագավորը փորձեցին միջնորդել, բայց ապարդյուն<sup>35</sup>։ Համաձայն նույն հեղինակի՝ Ավագը, որն այդ ժամանակ հիվանդ էր և նույնիսկ ձի չէր կարող նստել, այնուամենայնիվ ներկայացավ մոնղոլ զորահրամանատարներին և համոզեց նրանց դադարեցնել երկրում մոլեգնող ասպատակություններն ու գերեվարությունները<sup>36</sup>։

Կիրակոս Գանձակեցին իր հերթին վկայում է, որ Ավագը ներկայացավ մոնղոլներին, ապացուցեց իր անմեղսակցությունը, ապա միջնորդեց կալանավորված իշխաններին ազատելու համար, որն էլ իրականացվեց՝ մեծ փրկագների միջոցով միայն<sup>37</sup>։

Ավագն, անշուշտ, ձերբակալված իշխաններին ազատելու հարցում օգտագործել է իր լավ հարաբերությունները մոնղոլ Չաղաթայ զորավարի հետ։ Կիրակոս Գանձակեցին վկայում է, որ «մի ոմն յաւագ գլխաւորացն, որ զօրավար էր ամենայն զօրուն, Չաղատայ անուն նորա, որ բարեկամն էր Աւագին, եկաց ի մէջ վառեալ զօրացն և ասէ ցնոսա. «Մեք ոչ ունիմք հրաման ի դանէն կոտորել զայնոսիկ, որ հնազանդեալ են մեզ և կան մեզ ի ծառայութեան և հարկատուք են դանին. և իրք ապստամբութեան նոցա չէ ճշմարտեալ։ Արդ՝ եթէ կոտորէք զնոսա առանց պատճառի, դուք տայք պատասխանի դանին»։ Եւ լուեալ զայս, դադարեցան ստուգել զիրեն»<sup>38</sup>։

Զպետք է կարծել, թե Չաղաթայ զորավարն այնքան կարևոր է համարել իր և Ավագի բարեկամական հարաբերությունները, որ սոսկ դրա համար նըպաստել է կալանավորված իշխանների ազատմանը։ Այստեղ խնդիրն ավելի խորն է, և Չաղաթայ զորավարի այսպիսի դիրքորոշումը նրանց նկատմամբ կարելի է բացատրել մի կարևոր հարցի հետ կապված։ Խոսքը թաթար-մոնղոլների մոտ գոյություն ունեցող քաղաքական երկու տենդենցների մասին է։ Այդ հարցը հանգամանորեն պարզաբանել է սովետական հայտնի արևելագետ Ժ. Պ. Պետրուշևսկին։ Մոնղոլական պետականության ձևավորման ժամանակից ի վեր, քոչվոր ավագանու մեջ ձևավորվեցին քաղաքական երկու տենդենցներ, որոնցում էլ արտացոլվում էր նրանց վերաբերմունքը նվաճված երկրների ու ժողովուրդների նկատմամբ։

Առաջին ուղղությանն էր պատկանում մոնղոլական և նրանց միացած թյուրքական ռադմաքոչվորական ավագանու մեծ մասը։ Դրանք մոնղոլական քոչվորական կենցաղի, կիսատոհմատիրական կարգի և տափաստանային ավանդույթների համակիրներն էին, որոնք դեմ էին նստակյաց կյանքին ու հողա-

<sup>33</sup> Ю. Сихарулидзе. Указ. соч., с. 28.

<sup>34</sup> Կիրակոս Գանձակեցի, էջ 319.

<sup>35</sup> Գրիգոր պատմիչ, էջ 21.

<sup>36</sup> Նույն տեղում.

<sup>37</sup> Կիրակոս Գանձակեցի, էջ 320։ Թվում է, այս հարցին է վերաբերում 1249 թ. թողնված հետևյալ արձանագրությունը. «...ի ժամանակս թաթարի, ի տերութեան մեծ յաղաղաբար Աւագին...» (ընդգծումը մերն է—Հ. Ս.) (Դիվան, պրակ V, էջ 93)։

<sup>38</sup> Կիրակոս Գանձակեցի, էջ 320.

գործությունը՝ Նրանք քաղաքների, տեղական բնակչության անսահմանափակ շահագործման կողմնակիցներ էին:

Նրկրորդ ուղղությանն էր պատկանում ռազմաքոչվորական ավազանու փոքրամասնությունը, որը ձգտում էր ստեղծել ուժեղ կենտրոնական պետություն: Դրա համար անհրաժեշտ էին խանական իշխանության մերձեցում նրավաճված երկրների ֆեոդալական վերնախավին, քաղաքային կյանքի, առևտրի, գյուղատնտեսության հովանավորություն, նվաճված երկրների արտադրական ուժերի վերականգնում, մի բան, որը դեմ էր նվաճված երկրներում ավելորդ և չափից ավելի ասպատակություններին ու հալածանքներին<sup>39</sup>:

Անդրկովկասում քաղաքական այս երկրորդ տենդենցի ներկայացուցիչն էր Զադաթյա զորավարը: Սակայն առաջին ուղղության ներկայացուցիչները իրենց բավարարված չէին զգում: Ու թեև մեծ փրկագնով ազատ արձակեցին ձերբակալված իշխաններին, բայց, այդուհանդերձ, սկսեցին ասպատակել Հայաստանի և Վրաստանի տարբեր գավառները<sup>40</sup>: Այս հարցում կարող է որոշակի դեր խաղացած լինել Դավիթ Նարին թագավորի փախուստը կալանավայրից՝ Ձադեձորից<sup>41</sup>:

Պատմագիտության մեջ 1249 թ. վրաց-հայկական ընդվզումը մերթ համարվել է ապստամբություն, մերթ՝ դավադրություն, մերթ՝ ապստամբության փորձ: Այսպես, Իվ. Զավախիշվիլին գտնում էր, որ 1249 թ. ապստամբական ելույթներ եղել են<sup>42</sup>: Ն. Բերձենիշվիլին, անդրադառնալով 40-ամյան թվականների հակամոնղոլական ելույթներին, դրանք բնութագրում է որպես դավադրություններ<sup>43</sup>: Հասկանալի է, որ դա վերաբերում է նաև 1249 թ. անցքերին: Հ. Մանանդյանն իր հերթին գրում է. «Դավադրության այս փորձը մոնղոլական ղորբին առիթ ծառայեց վերսկսելու կողոպուտները, ավերածությունները և կոտորածները, գլխավորապես, Սամցխեում և վրացական այլ գավառներում, որոնց մի մասը ապստամբել էր: Նրանք ավերեցին նաև Հայաստանի մի քանի շրջանները»<sup>44</sup>: Լ. Խաչիկյանը, անդրադառնալով Կոստանդին Բարձրբերդցի կաթողիկոսի խրատական թղթին, գտնում է, որ «...1249 թ. Հյուսիսային Հայաստանի շրջաններում ու Վրաստանում մոնղոլական տիրապետության դեմ բռնակցվում է ապստամբություն»<sup>45</sup>: Լ. Բաբայանն այս հարցի առթիվ գրում է. «Վարդան Վարդապետի և Վրաց Անանուն պատմիչի վկայություններից, մեր կարծիքով, պարզ երևում է, որ թերևս վրաց և հայ ֆեոդալները ապստամբելու մասին սոսկ որոշումով չեն սահմանափակվել, ինչպես ասում են Կիրակոս

<sup>39</sup> И. П. Петрушевский. Земледелие и аграрные отношения в Иране XIII—XIV ввек. М.—Л., 1960, с. 48—53.

<sup>40</sup> Հաւաքումն պատմութեան Վարդանայ վարդապետի. Վենետիկ, 1862 (այսուհետև՝ Վարդան Արեւելցի), էջ 148: Գրիգոր պատմիչ, էջ 21:

<sup>41</sup> Տե՛ս Ստեփանոս Օրբելեան. Պատմութիւն նահանգին Սիսական. Թիֆլիս, 1910, էջ 406—408: Ստեփանոս Օրբելյանի սույն վկայությունն է թույլ տալիս կարծելու, որ 1249 թ. պայթարը ղեկավարել է Դավիթ Նարինը: Այդ պատճառով էր նա ձերբակալվել ու բերվել Ձազեձոր: Իսկ այն, որ ապստամբության նախապատրաստությունը տեղի է ունեցել Տըփլիսում, ոչնչով չի հակասում վերն ասվածին, որովհետև Ղարաղորումից ետ դառնալուց հետո երկու Դավիթ թագավորներ էլ Ավագի միջնորդությամբ սկզբնապես Տփլիսում զահ բարձրացրին և օրենքներն ու հրովարտականքն էլ երկուսի անունից էին հրապարակվում (Վրաց ժամանակագրություն, էջ 101: Կիրակոս Գանձակեցի, էջ 317): Հետևաբար Տփլիսում նախապատրաստված ապստամբության ղեկավարը կարող էր լինել հենց Թուսդղանի որդին, մանավանդ, որ Բաշուն հովանավորում էր Ուլու Դավթին:

<sup>42</sup> Ծ. Ջոջոնով, III, 83. 141.

<sup>43</sup> Н. Бердзенишвили. Указ. соч., с. 8.

<sup>44</sup> Հ. Մանանդյան. Երկեր. հ. Գ, Երևան, 1977: Կարծում ենք, որ հայրենիքի ազատագրման նպատակով նախապատրաստվող զինված ելույթը չպետք է բնութագրել «դավադրություն» վարկաբեկիչ բառով:

<sup>45</sup> Լ. Խաչիկյան. Կոստանդին Բարձրբերդցու խրատական թուղթը, առաքված Արեւելյան Հայաստան 1251 թվականին.—«Բանբեր Մատենադարանի», № 4, 1958, էջ 271:

Գանձակեցին և Գրիգոր պատմիչը (Մաղաբիա), այլ դիմել են կոնկրետ քայլերի, որպիսի հանգամանքը առկա է ծառայել նվաճողների կողմից նորանոր ավերածությունների ու կոտորածների<sup>46</sup>։ Յու. Սիխարյուկիձեն 1249 թ. քաղաքական ելույթը անվանում է դավադրություն<sup>47</sup>։ Պատմագիտության մեջ այն հաճախ համարվում է սոսկ ապստամբության փորձ<sup>48</sup>։

Մեզ հիմնավոր է թվում այն տեսակետը, ըստ որի ապստամբության նախապատրաստումը չի սահմանափակվել նախնական քայլերով, այլ վերաճել է կոնկրետ գործողությունների, որպիսի հանգամանքն էլ հալածանքների ու ասպատակությունների տեղիք է տվել։ Հարկ է ավելացնել, որ միայն Վարդան Արևելացու վկայությունը չէ, որ նման կարծիքի հիմք է դառնում<sup>49</sup>։ Այդ մասին կոնկրետ ակնարկ ունեն նաև Անանուն ժամանակագիրն ու Կիրակոս Գանձակեցին։ Վերջինս, երբ խոսում է ապստամբ իշխաններին փրկագնով ազատելու մասին, ավելացնում է, որ դրանից հետո մոնղոլները «...ինքեանք յարձակեցան ի կողմանս Վրաց ի վերայ բազում գաւառաց, ո՞րք ապստամբք (ընդգծումը մերն է—Հ. Ս.) և ո՞րք ոչ, և զբաղումս կոտորեցին և զևս բազմագոյնս գերի վարեցին»<sup>50</sup>։

Անանուն ժամանակագիրն իր հերթին վկայում է, որ 1249 թ. Բաշուն և մյուս մոնղոլ հրամանատարները ստացան վրաց թագավորի ու իշխանների ապստամբության լուրը<sup>51</sup>։

1249 թ. հաշնի վիմական արձանագրություններից մեկում տեղեկություն կա այն մասին, որ մեծ իշխան Հասան-Ջալալի, նրա որդի Աթաբակի և ուրիշ այլ իշխանների հետ միաբանել էին նաև իրենց զորքերը<sup>52</sup>։ Նկատի առնելով, որ հայ վիմագրության ամբողջ պատմությունը այսօրինակ միաբանության ոչ մի փաստ չունի, կարելի է մտածել, որ ապստամբության օրերին երկրամասի զորքն ու իշխանները հանդես են եկել անսովոր կերպով միավորված։ Հասկանալի է, որ այս միասնությունը պատասխանը կամ արդյունքն էր մոնղոլների նախորդ վայրագությունների։

Մեր պատկերացումները վրաց-հայկական առաջին ապստամբության և առանձնապես նրա հզորության մասին թերի կմնան, եթե չանդրադառնանք Կոստանդին Բարձրբերդցի կաթողիկոսի՝ 1251 թ. Հայաստան առաքած խրատական թղթին<sup>53</sup>։

Նշված պատմական աղբյուրից մենք պատկերացում ենք կազմում և՛ մոնղոլների դեմ բռնկված ապստամբության փաստի, և՛ կիլիկյան հայ գործիչների՝ դեպի ապստամբությունն ունեցած վերաբերմունքի մասին։ Կոստանդին կա-

46 Լ. Բաբայան. Հայաստանի սոցիալ-տնտեսական և քաղաքական պատմությունը ԴՄԻ—XIV դարերում. Նրևան, 1964, էջ 261։

47 Ю. Сихарулидзе. Указ. соч., с. 28.

48 Հայ ժողովրդի պատմություն. հ. II, Երևան, 1965, էջ 189։ Հայ ժողովրդի պատմություն. Նրևան, 1975, էջ 535։

49 Վրաց ժամանակագրի տեղեկությունը վերաբերում է 1247 թ. անցրերին։ Առհասարակ պետք է նշել, որ պատմագիտության մեջ մի շարք պատմաբաններ (Լ. Բաբայան, Ն. Շոշիաշվիլի), ինչպես արդեն նկատվել է (տե՛ս Յ. Յուսուպով. Վրացական խոսքի պատմությունը XI—XVIII դարերում, Երևան, 1982, թ. 105) Կոստանդինի հավաքի վերաբերյալ վրաց աղբյուրի հաղորդած տեղեկությունները վերագրեն են 1249 թ. ապստամբությանը, ըստ Ա. Դանադարյանի, Կոստանդինի հավաքը տեղի է ունեցել 1245 թ. և կապված է վրացական պետությունում ավատական ներհակությունների խորացման հետ։ Թեև, քիչ անց, հեղինակը նույն հավաքի վերաբերյալ վրաց ժամանակագրի հաղորդած տեղեկությունը՝ կապված Վահրամ Գագեցու հետ, վերագրում է 1249 թ. ապստամբությանը (տե՛ս ՀԱՍԶ ԳԱ «Վրացական հարս. գիտ.» 1983, № 12, էջ 35—38)։

50 Կիրակոս Գանձակեցի, էջ 320։

51 Անանուն ժամանակագրություն, առաջաբանով և ծանոթագրություններով, կազմեցին Հովհ. Մանվելյան, Հար. Արրահամյան. Երևան, 1940, էջ 21։

52 Գիվան, պրակ V, էջ 88—89։

53 Տե՛ս Լ. Խաչիկյան. Նշվ. աշխ., էջ 279—284։

թողիկոսի խրատականից մենք տեղեկանում ենք նաև այն վարագործությունների մասին, որ դործել են օտար բռնակալները ապստամբության ժամանակ<sup>54</sup>։ Կոստանդին Բարձրբերդցին, ելնելով քաղաքական որոշակի նկատառումներից՝ մոնղոլների հետ Կիլիկիայի դաշն կնքելու մտադրությունից, կոչ է անում հնազանդվել և չընդունել մոնղոլների դեմ<sup>55</sup>։ Սակայն կաթողիկոսի այդ կոչը հենց ինքնին վկայում է այն պայքարի դրություն մասին, որը եղել էր բուն Հայաստանում 1249 թ., ե որն այդքան անհանգստացրել էր Կոստանդին կաթողիկոսին։

Բայց կաթողիկոսի հորդորները ընդունելի չէին բուն երկրի թե՛ ընակչության, թե՛ ֆեոդալ իշխողների մեծ մասի համար, քանզի այլ էր դրությունը նրանց մոտ՝ համեմատած Կիլիկիայի հետ։ Եվ բոլորովին պատահական չէ, որ մի որոշ ժամանակ անց՝ 1259 թ. այստեղ բռնկվում է մի նոր ու ավելի հզոր ապստամբություն։

Մոնղոլական տիրապետության դեմ վրաց-հայկական առաջին ապստամբությունը պարտություն կրեց, Դրա պատճառն այն էր, որ ապստամբ ֆեոդալների միջև միասնություն չկար։ Ապստամբությանը մասնակցում էին ոչ բոլոր ֆեոդալները։ Հատկապես բացասաբար անդրադարձավ նաև երկրի աթաբեկ և ամիրսպասալար Ավադ Ջաքարյանի հրաժարումն ապստամբելուց։ Ապստամբությունը չվերաճեց կազմակերպված համաժողովրդական մեծ պայքարի, ժողովուրդն անհրաժեշտ ակտիվությամբ չներգրավվեց շարժման մեջ։

1247—1249 թթ. վրաց-հայկական ընդվզումները բողոքի լուրջ արտահայտություն էին թաթար-մոնղոլ տիրապետողների բռնությունների ու նամականությունների դեմ։ Դրանք նաև մոնղոլական ժանր լուծը թոթափելու և երկրի քաղաքական ինքնուրույնությունը վերականգնելու նպատակ էին հետապնդում։ Այդ իսկ առումով այն իր նշանակալից տեղն ունի հակամոնղոլական պայքարի պատմության մեջ։

# ГРУЗИНО-АРМЯНСКИЕ ВОССТАНИЯ 1247—1249 гг. ПРОТИВ ТАТАРО-МОНГОЛЬСКОГО ДЕСПОТИЗМА

Г. А. СТЕПАНИАН

## Резюме

Опираясь на ценные указания предыдущих исследователей и используя новые материалы источников, мы стремились выявить цельную историю грузино-армянских восстаний 1247—1249 гг. Исследованы цель и подробности Кохтаставского собора грузинских и армянских феодалов в 1247 г., причины провала намеченного восстания, как и дальнейшее усиление недовольства грузин и армян против татаро-монгольского ига, вооруженные столкновения в 1248 г., первое массовое и организованно проведенное восстание в 1249 г.

Восстания против татаро-монгольского деспотизма 1247—1249 гг. ударили по основам чужеземного владычества и преследовали цель восстановить политическую независимость обеих стран. И хотя в этот период грузинскому и армянскому народам не удалось достичь своих целей, борьба показала, что они не потеряли веры в свободу и были готовы к новой борьбе и испытаниям. А это в сложившейся обстановке было самое главное.

<sup>54</sup> Նույն տեղում, էջ 280։

<sup>55</sup> Նույն տեղում, էջ 273, 279—282։